

Na osnovu člana 37.stav 1. Zakona o lokalnoj samoupravi («Službene novine ZE-DO Kantona», broj 13/98), i člana 55.Statuta općine Zavidovići («Službeni glasnik općine Zavidovići», broj 3/2002 i 4/04), Općinsko vijeće Zavidovići na 60. sjednici održanoj dana 10.09.2004.godine, donijelo je

O D L U K U

o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići

Član 1.

U Odluci o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići», broj 8/04-prečišćen tekst), član 2. stav 1. mijenja se i glasi:

«U općini Zavidovići osniva se 20 (dvadeset) mjesnih zajednica.»

U članu 2. stav 2. iza rednog broja 19. dodaje se redni broj 20. koji glasi:

«20. Mjesna zajednica Stipovići».

Član 2.

Član 8.stav 3.mijenja se i glasi:

« Prema Mjesnoj zajednici Lovnica granica ide od mjesta zv.»Mujatovića mlin», iznad naselja 2.km, nastavlja se do naselja Dolovi gdje se spušta prema rijeci Bosni kod Dabića vira. Dalje granica Mjesne zajednice «Klek» rijekom Bosnom odvaja ovu Mjesnu zajednicu od Mjesne Zajednice «Branioci grada» i općine Žepče».

U članu 8. iza stava 3. dodaje se stav 4. koji glasi:

« Prema Mjesnoj zajednici Stipovići granica ide od ušća petkovičkog potokoa niz rijeku Gostović do mjesta zv. «Mujatovića mlin».

Član 3.

U članu 28. iza stava 3. dodaje se stav 4. koji glasi:

«Granica Mjesne zajednice Gostović prema Mjesnoj zajednici Stipovići kreće se od izvora zv.»Mihaljevac» u pravcu jugozapada pored parcela zv.»Lugovi», koje su u sastavu Mjesne zajednice Stipovići u dužini od 500 m i dolazi do javnog puta označenog sa k.č.2220 K.O. Donja Lovnica. Zatim u pravcu zapada u dužini od 500 m navedenim putem dolazi do naseljenog mjesta Bijeda. Zatim granica se lomi u pravcu sjevera u dužini od 100 m između naseljenog mjesta Bijeda sa jedne strane i Vučje kose sa druge strane i ide tom granicom u dužini od 400 m u pravcu zapada i ponovo dolazi do puta označenog sa k.č. 2220 K.O. Donja Lovnica. Granica ide dalje navedenim putem u pravcu zapada u dužini od 350 m do mjesta zv.»Bećirovske vratnice», gdje se granica i završava.

Član 4.

U članu 29. brišu se riječi «Stipovići, Veselinovići, Paripovići, Tadići, Vidovići i Martići».

- 458 -

Član 5.

U članu 30. iza riječi «Odluke i znaka zarez» brišu se riječi «a prema Mjesnoj zajednici Donji Gostović opisane su u članu 34.».

Član 6.

U članu 34. u četvrtom redu iza riječi «zajednicom» briše se riječ «Lovnica» i upisuje «Stipovići».

Član 7.

Iza člana 40. dodaju se novi članovi 40.a. i 40.b. koji glase:

«Član 40.a.

Mjesna zajednica Stipovići obuhvata selo i zaseoke Stipovići, Staro selo, Lipovci, Bare i Luke.

Član 40.b.

Granice Mjesne zajednice Stipovići prema Mjesnoj zajednici Klek opisane su u članu 10. stav 4., prema Mjesnoj zajednici Gostović opisane su u članu 32. stav 4., prema Mjesnoj zajednici Lovnica granica počinje od mjesta zv. «Bećirovske vratnice» putem označen sa k.č. 2212 K.O. Donja Lovnica u pravcu sjevero-zapada u dužini od 700 m do mjesta gdje je izgrađen bazen vlasništvo Mjesne zajednice Lovnica. Granica zaobilazi bazen koji ostaje u Mjesnoj zajednici Lovnica i ide putem u podnožju brda zv.«Vis» i dalje gredom u pravcu sjevera pored parcela zv.»Ogledala» koje ostaju u sastavu Mjesne zajednice Stipovići. Zatim granica ide u pravcu sjevero-zapada gredom trigonometra broj 90 odnosno mjesta zv.»Gaj». Od trigonometra broj 90 granica se spušta prema parcelama zv.»Javorici» sa jedne strane (Mjesna zajednica Stipovići), odnosno parcelama Dolovi sa druge strane (Mjesna zajednica Lovnica). U sastav Mjesne zajednice Lovnica pripada mezarje Dolovi. Granica se spušta u pravcu sjevero-istoka gredom prema rijeci Gostović do mjesta zv. «Mujatovića mlin» (kuća Selvera Polića), gdje se granica i završava».

Član 8.

U članu 41. stav 1. iza rednog broja 17. dodaje se redni broj 18. koji glasi:
«18. Mjesna zajednica Stipovići – u Stipovićima»

Član 9.

Odluka stupa na snagu prvog narednog dana od dana objavljivanja u «Službenom glasniku općine Zavidovići».

Član 10.

Ovlašćuje se Komisija za propise i statut da sačini prečišćen tekst Odluke o osnivanju, organizaciji i funkcionisanju mjesnih zajednica na području općine Zavidovići.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-02-4246/03
Datum: 10.09.2004.godine

(M.P.)

Fuad Berberović, s.r.